



partii naleraq

14 Maj 2019

UPA 2019/32

Aqqusinernik aaqqissuussinernut pilersitsisarnernullu, ilisimalikkanik ataqatigiissaariitigaluni katersuivimmik, kommunillu susasaqarfimmi suliniutaannik ikorfartuisarfimmik aqqusineqarnikkut ingerlatsivimmik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Hermann Berthelsen, Siumut)

Siunnersuuteqartoq Hermann Berthelsen, Siumut. § 33 naapertorlugu Naalakkersuisut peqquneqarnissaannik Inatsisartut aalajangiiffigisassatut siunnersuutaanut qutsavigaarput.

Aqqusinersualiornissamat tunngatillugu imatut Partii Naleqqamiit oqaaseqassaagut, aqqusinersualiornissaq Sisimiut Kangerlussuullu akornanni inuussutissarsiorinnikkut takornariaqarnikkut aningaasarsiorinnikkut uumasuuteqarnikkullu pitsaasumik sunniuteqassasoq naatsorsuutigaarput.

Taamatut Sisimiut Kangerlussuullu akornani aqqusinersualiornikkut suliffissaqartitsinikkut Sisimiormiunut aammalu Kangerlussuarmiunut periarfissat ammaanpeqarnissaat soqutigisarilluinnaratsigu.

Kangerlussuaq takornariaqarfiit annerit ilagaat, tamannalu tunngavigalugu unnuisarfinit taamatuttaaq peqareertera atorluartariaqarpoq. Suliffiit taamaalilluni pigineqareersut attatiinnarneqarnissaat qularnaarneqassagaluarpat.

Aqqutikitsoq eqqarsaatigalugu Qeqqata Kommuniani takornariaqarnikkut inerisaanissaq eqqarsaatigalugu, taamatullu inuussutissarsiorinnikkut Sisimiut Kangerlussuullu eqqaani peqartoqarnera siunissami Kalaallit Nunaanni namminerisatsinnit pilersorsinnaaneq pisuussutit uumaatsut aammalu pisuussutit uumassusillit eqqarsaatigalugit periarfissagissaarnera isiginngitsuusaarsinnaanngilarput.

Kalaallit Nunaata siunissaa annertuumik ammaassisussaq tassaniippoq uumasuuteqarnikkut siuarsaavigineqarluarsinnaasutut Partii Naleqqamiit upperilluinnarparput. Siunissaq qaninnerusoq ungasinnerusorlu eqqarsaatigalugu periarfissatut taagorsinnaavarput uumasuuteqarnek Umimmannik Tuttunik allarpassuarnilu Nunatta neqissaqarniarneratigut tunisassiorluarsinnaasut suliffeqarfinni aallartitsisussanik.

Namminersorlutik oqartussat kommunellu akornanni avaqqunneqarsinnaanngilaq suliaq taama annertutigisoq suleqatigiinnissaat. Aqqusiniornissat innaallagissiornissat allarpassuillu tassaapput Namminersorlutik oqartussat kommunellu suleqatigiinnermikkut anguniagassaata ilaat.

Sisimiormiunut Kangerlussuarminiunut innuttaanut siunissami ineriartortitsinissamik siuariartortitsinissamik oqariartuuteqartoq upperalutigu Naalackersuisut allannguutissatut siunnersuutaat "Naalackersuisut kommunit suleqatigalugit attaveqaqatigiinneq pillugu ilisimasani katersuivimmik, najugaqarfiit akornanni aqquserniornermut tunngasumik pilersitsinissamat peqquneqarnissaat" ilalerlugu taperserparput. Taavalu sukumiisumik suliassatut tigullugu ataatsimiititaliami suliarineqarnissaa innersuussutigaarput.

Taamatut oqaaseqarluta Naalackersuisut allannguutissatut siunnersuutaat taaseqataaffigalugulu tapersilluta Partii Naleqqaminngaanniit oqaatigissavarput.

Emanuel Nûko